

U G O V O R
O PRUŽANJU USLUGA OSIGURANJA RADNIKA JU OSMA OSNOVNA ŠKOLA
„AMER ČENANOVIĆ“ ILIDŽA

Zaključen dana 09.07. 2017. godine između:

1. **JU OSMA OSNOVNA ŠKOLA „AMER ČENANOVIĆ“ ILIDŽA**, ul. Ilirska br.2, 71210 Ilidža, ID broj: 4200333470008, koju zastupa **Direktor Vahid Čustović**,
(u daljem tekstu: **Naručilac usluga**)

i

2. **SARAJEVO-OSIGURANJE D.D**, sa registrovanim sjedištem na adresi Maršala Tita broj 29, 71000 Sarajevo, ID: 4200326930184, koje zastupa **Direktor Muhidin Olovčić**
(u daljem tekstu: **Davalac usluga**)

I PREDMET UGOVORA

Član 1.

Predmet ovog Ugovora je pružanje usluga kolektivno kombinovanog osiguranja radnika JU Osma osnovna škola „Amer Čenanović“ Ilidža.

II OBIM USLUGA I DINAMIKA VRŠENJA USLUGA

Član 2.

Naručilac usluga naručuje, a Davalac usluga se obavezuje da će pružiti osiguranje kojim su obuhvaćeni rizici:

- Smrti usljed bolesti (prirodna smrt)
- Smrt usljed nesretnog slučaja
- Posljedice trajnog invaliditeta
- Dnevna naknada za boravak u bolnici
- Troškovi liječenja zbog posljedica nesretnog slučaja

Član 3.

Davalac usluga će sa pružanjem Usluga iz člana 1. ovog Ugovora započeti odmah po potpivanju Ugovora.

II CIJENA, USLUGA I NAČIN PLAĆANJA

Član 4.

Ugovorne strane saglasno utvrđuju jedinične cijene Usluga iz člana 2. ovog Ugovora i to kako slijedi: prema cijenama iz ponude iznosi na godišnjem nivou 36,00 KM (slovima tridesetšest i 00/00 KM po radniku.

Ukupna cijena po navedenim stavkama za period od 01.01.2017. do 31.12.2017. godine iznosi: 1.728,00 KM (slovima: jednahiljadasedamstotinadvadesetosam i 00/00 KM).

Na navedene usluge ne plaća se PDV u skladu sa članom 24. stavom 1. tačkom 2. Zakona o porezu na dodatnu vrijednost („Službeni glasnik BiH“, broj 9/05 i 35/05) i članom 25. stavom 1. Pravilnika o primjeni Zakona o porezu na dodatnu vrijednost („Službeni glasnik BiH“, broj 93/05).

Član 5.

Naručilac će plaćanje pruženih Usluga po cijenama iz člana 4. ovog Ugovora izvršavati mjesečno, najkasnije u roku od 15 dana (144,00 KM slovima: jedinstotinatridesetosam i 00,00 KM), a sve u skladu sa mogućnostima Trezora Kantona Sarajevo.

IV OBAVEZE UGOVORNIH STRANA

Član 6.

Naručilac Usluga se obavezuje da:

- Davaocu usluga obezbijedi potrebne podatke radi izvršavanja ugovorenih obaveza.
- Obezbijedi kvalitetan nadzor u toku vršenja Usluga;

Član 7.

Davalac Usluga se obavezuje da će:

- Od prvog dana trajanja osiguranja isplatiti cijelu ugovorenu osiguranu sumu kada kao posljedica nesretnog slučaja nastupi smrt radnika
- Cijelu osiguranu sumu ako osigurani radnik umre prirodnom smrću nakon šest mjeseci od početka osiguranja, a pola osigurane sume ako smrt od bolesti nastupi u prvih šest mjeseci trajanja osiguranja.
- Cijelu osiguranu sumu za slučaj invaliditeta, ako usljed nesretnog slučaja kod radnika nastupi invaliditet, a procenat od osigurane sume koji odgovara procentu invaliditeta koji je ostavila povreda radnika
- Kod rizika dnevne naknade za boravak u bolnici (bolnički dan) radniku isplatiti naknadu za vrijeme spriječenosti za rad prema iznosima iz ponude u trajanju do 200 dana
- Nadokaniti stvarne i nužne troškove liječenja ukoliko su posljedice nesretnog slučaja do iznosa navedenih u ponudi.

V TRAJANJE UGOVORA

Član 8.

Ovaj Ugovor zaključuje se za period od 01.01.2017. do 31.12.2017. godine, sa mogućnošću produženja.

VI RASKID UGOVORA

Član 9.

Ugovor se može raskinuti i prije isteka roka na koji je isti zaključen, i to jednostranom izjavom o raskidu jedne ugovorne strane uručene drugoj ugovornoj strani u pismenoj formi preporučenom poštom sa povratnicom, a na adrese koje su navedene na kraju ovog Ugovora.

Ugovor će se smatrati raskinutim protekom otkazanog roka od **30 (trideset)** dana od dana prijema izjave o raskidu, uručene jednoj ugovornoj strani od strane druge ugovorne strane na način utvrđen prethodnim stavom ovog člana.

Za vrijeme trajanja otkaznog roka, obje Ugovorne strane su obavezne izmiriti sve svoje tekuće obaveze iz osnova ovog Ugovora.

VI OSTALE ODREDBE

Član 10.

Sve eventualne primjedbe na izvršene Usluge i potrebe za dodatnim radovima, Naručilac će Davaocu saopštiti odmah.

U slučaju nastupanja okolnosti iz prethodnog stava ovog člana, Davalac usluga se obavezuje da uočene nedostatke otkloni i to u roku od 3 dana od dana saopštenja Naručioaca o svom trošku.

VII ZAVRŠNE ODREDBE

Član 11.

Na sve što nije izričito uređeno ovim Ugovorom, primjenjivat će se odgovarajuće odredbe ZOO.

Ovaj Ugovor stupa na snagu danom potpisivanja od strane Naručioca i Davaoca, a isti će se primjenjivati u periodu utvrđenim u članu 8. ovog Ugovora.

Član 12.

Sve eventualne sporove koji bi mogli proizaći iz osnova ovog Ugovora, Ugovorne strane će nastojati riješiti mirnim putem. U slučaju da Ugovorne strane u tome ne uspiju, nadležan je Općinski sud u Sarajevu.

Član 13.

Ugovor je sačinjen u 4 (četiri) istovjetna primjerka, od kojih 2 (dva) primjerka zadržava Davalac usluga, a 2 (dva) primjerka zadržava Naručilac.

Naručilac

**JU OSMA OSNOVNA ŠKOLA „AMER
ČENANOVIĆ“ ILIDŽA**

Zastupan po:


Vahid Čustović, Direktor



Izvršilac

SARAJEVO OSIGURANJE D.D.

Zastupan po:



Poštanska adresa:

**JU OSMA OSNOVNA ŠKOLA „AMER
ČENANOVIĆ“ ILIDŽA**

*Ul. Ilirska br.2,
71210 Ilidža*

*Tel: 033/ 771 321
Fax:033/771 323*

Broj: 38-II-14 /17

Datum: 09.01.2017. godine

Poštanska adresa:

SARAJEVO-OSIGURANJE D.D.

*Ulica Maršala Tita 29
71 000 SARAJEVO*

*Tel.:033/ 223 834
Fax:033/223 835*

Broj: 01-497/17

Datum: 09.01.2017